

AMAKURU G'EMIGUUTUURO N'ENKOZESA YAA YO OMU RUNYANKORE -RUKIGA
OMURI RUKIGA DISITURIKITI OMU IGOMBORORO RYA RWAMUCUUCU

AYEBAZIBWE ADELLAH

2019/A/KED/0911/F.

BIRUNDAINWE

OMUHABUZI

OMWAMI JOSHUA MUGISHA

A RESEARCH REPORT SUBMITTED TO FACULTY OF EDUCATION IN PARTIAL
FULFILLMENT OF THE REQUIREMENTS FOR THE AWARD OF THE
BACHELOR'S DEGREE IN EDUCATION OF
KABALE UNIVERSITY

KATUMBA, 2023

OKUHAMYA.

Nyowe Adellah Ayebazibwe ndahamya ngu omutwe ugu Condoorizeho tihariho omuntu weena owaaragukozireho ahabw'okutunga diguri omu itendekyero ryona ry'obwegyese bw'ahaiguru.

Omukono gwanze ~

OKWIKIRIZA.

Ekicondooziibweho" Amakuru g'emiguutuuro n'enkozesa yaayo ornu Runyankore-Rukiga"
n'ornurino ogukozirwe Adellah Ayebazibwe.

Omukono

OKUTOIJA.

Ogu murimo ndagutoijira abazaire bangye Omwami TUMWINE JOHN n'Omukyara FLORENCE TUMWINE, barumuna na banyaanyazi bangye. Abantu aba bampwereire munonga omu kukora omurimo ogu okugira ngu mpiki ahari eri idaara ry'obwegyese. Nahabwekyo omurimo ogu ndagubatoijira ahabwa rukundo n'obuhagizi ebi baanyorekire omu rugyendo rw'okwega kwangye oku.

OKUSIIMA.

Ndabanza kusiima Ruhanga obaasisize omu kwegu kwangye oku okwiha obu naatandika n'okuhisa obu bwire. Ndongyera nsiime abazaire bangye na rukundo mpango Omwami Tumwine John n'omukyara Florence Tumwine na shwenkuru Christopher Kazooru hamwe n'abanywani bangye Bridget na Amaniige ahabw'okumpwera omu kucondooza oku.

OKUMURIKA.

Ebicondoorize birooreka "Amakuru g'emiguutuuro n'enkozesa yaayo omu Runyankore-Rukiga".
Kandi ndeesiga ngu biraza kuhwera abeegyesa, abeegi n'enkuzi z'orurimi okwetegyereza gye
Amakuru g'emiguutuuro n'enkozesa yaayo omu Runyankore -Rukiga.

EBIRIMU

0 KUHAMYA A	i
0 KWIKIRIZA	ii
0 KUTO IJ A	iii
0 KUS I IMA;"3	iv
0 KUMURIKA	v
EKICWEKA KY'OKUBANZA	1
1.0. Enturukiriro	1
1.1. Oburungo bw'ok.7.lcondooza	1
1.2. Oburerneezi oburikucundoozibwaho	2
1.3. Ebigyendererwa by'okucondooza	2
1.3 .1. Ekigyendererwa ekikuru	2
1.3.2. Ebigyendererwa ebikye	3
1.4. Ebibuuzo ebirnpwereire ornu kucondooza	3
, . 1.5. Enteekateeka y'ornucondoozi	3
1.6. Oku abandi barateekateeka	3
1. 7. Obukorno bw'okucondooza	4
1. 7 .1. Obukorno bw'ornwanya ogucondooziibwernu	4
1. 7 .2. Obukorno bw'obwire obu okucondooza kurnazire	4
17.3. Obukomo bw'ebicondooziibwe.....	4
1.8. Omugasho gw'okucundooza	4
1.9. Okushoboorora arnakuru ga birnwe aha bigarnbo bigurnire ebikoresiibwe	4
EKICWEKA KY A KABIRI	5
OKUSHWIJUMA EBIHANDIIKO BY'ABANDI BAHANDIIKI	5

2.0. Enturukiriro	5
2.1. Okushwijuma ebihandiiko	5
2.2. Enshonga ahabwenki abaakare baabaire barakunda kukozeza emiguutuuro omu kugaaniira k:wabo	7
2.3. Enshonga ahabwenki abantu abaabuti batakikozeza emiguutuuro munonga waabagyeragyeranisa n'abaakare	8
EKICWEKA KY A KASHA TU	9
ENTW AZA Y'OKUCONDOOZA	9
3.0. Enturukiriro	9
3.1. Omwanya ahi okucondooza kukoreirwe	9
3.2. Abantu abu naacondoorizeho	9
3.3. Oku naabaatooraine "' : :	9
3.4. Ebintu ebi naakoreesize omu kurundaana ebicondooziibwe	10
3.4.1. Okwebuuzza aha bandi bantu	10
3.4.2. Abarikucondoozibwa kuheebwa ebibuuzo	10
3.4.3. Okwereebera n'amaisho ebirikucondoozibwa	10
3.4.4. Okushoma ebihandiiko kurondamu ebirikucondoozibwaho	10
3.6. Entwaza nungi ekwatiraine n'okucondooza	10
3.7. Okushwijuma n'okuteereza ebiraarugye omu kucondooza	11
3.8. Oburemeezi obu mbugaine omu kucondooza '	11
EKICWEKA KY A KAN A	12
4.0 EBYARUGIRE OMU KUCONDOOZA.....	12
4.1 Enturukiriro	12
4.2. Omubare gw'abaabuuziibwe ebibuuzo	12
4.3. Emiguutuuro, amakuru n'enkozeza yaayo ebirugire omu kucondooza	12

EKICWEKA KYA KATAANO	23
5.0. OKUHENDERA N'OKUHABURA	23
5.1. Okuhendera	23
5.1. Okuhabura:	23
EBIHANDIIKO EBYEJUNISIIBWE	24
ABANTU ABABUZIIBWE:	25
EBIBUZO EBYAHEEBWE ABARIKUCONDooZIBW AHO	26
EBY ON GYEIRWEHO	27

EKICWEKA KY'OKUBANZA

1.0. Enturukiriro.

Omu kicweka eki harimu oburugo bw'okucondooza, oburemeezi oburikucundoozibwaho, ekigyendererwa ekikuru, ebigyendererwa ebikye, obukomo bw'okucondooza, obukomo bw'omwanya ogucondoozibwemu, obukomo bw'obwire obu okucondooza kumazire hamwe n'omugasho gw'okucundooza.

1.1. Oburungo bw'okucondooza.

Emiguutuuro ni bimwe aha bigambo ebyabaire bigunjirwe baatatenkuriitwe kandi bikanjanjaazibwa kuruga omu busingye bumwe kuza omu bundi. Emiguutuuro n'emwe aha miringo y'ebihimbo byakarande. Emiguutuuro turabaasa kugyeta ebirenzyo narishi emikiikuuro. Emiguutuuro erakira kuba eri omu kibazo kirimu ebigambo nka bibiri nari bishatu obwo erashoboorora ebintu bingi. Emiguutuuro n'ebigambo ebiine amiakuru ageesherekire gatararahuka kwetegyerezibwa. Hoona nabwe emiguutuuro ebaasa kuba omushororongo gw'ebigambo ebiine amakuru garataana naago agombekire buri kigambo. Ebigambo ebi biraba bikurataniisibwe kurungi kwonka amakuru gaabyo garataana naago aga buri kigambo. Aha rubaju orundi emiguutuuro ebaasa kuba ebigambo ebirikweikiuura ebi amakuru gaabyo gari omunda. Ekigambo omuguutuuro kikakomooka omu kigambo kuguutuura ekiraminyisa kugamba ori kurenza. Emiguutuuro erimu ebigambo by'obwengye hamwe n'ebirashesya.

Abanyankore-Bakiga ab'ira bakaba barakunda kukozeza emiguutuuro munonga waabagyeragyeranisa n'abaahati. Bakaba baragikoresa obwo barikweikiuura okugira ngu abantu batakyenga ebi baabaire bagamba namunonga abaana. Obumwe abazaire ku baabaire baba bashutami batandika kugaaniira kwonka ahabw'okushanga baineho abaana kandi batarenda ngu baabetegyereze ebibarikugamba oshanga bakozeza emiguutuuro hamwe n'okwenda ngu baakorese obugambo bugufu omu mwanya gw'ebigambo bingi kandi buraingwa hamwe n'okuboneza ebigaaniiro byabo kandi n'okworeka ngu baramanya gye orurimi. Ekaba erakira kukoreesibwa kurugiirira aha bikorwa, ebikubyo, okubuuza hamwe n'okushushanisa ebintu. Emiguutuuro ey'ebikorwa obwire obwingi ekaba eruga omu bigano nainga ebitebyo byabaakare. Emiguutuuro ey'ebikubyo yo bakaba barakira kugikozesa munonga obwo baraha ebikubyo nari

amnaziina ebintu, entwaza nari emicwe. Emiguutuuro egi eracwa bugufu ebigambo bingi abyakubaire birakoresibwa kushoboorora n'okuhamisiriza ekishushani eki orikugamba arenda **iworeka** baakigambirwa. Nangwa n'obwati erakoreesibwa namunonga omu bazaire baitu abamwe abaakuzire n'abazaire baabo baragikozesa hamwe n'abaana b'amashomero namunonga abareega orurimi rwenzaarwa ahabw'okushanga baraheebwa ebihandiiko by'okuhandiika ahi eshemereire kukoreesebwa kandi ekindi abeegyesa baabo barakira kubagambira ngu omuntu orakira kukozesa ebigambo nk'ebyo omu kugamba n'okuhandiika orurimi araba aragwetegyereza gye kandi n'abantu barakira kukunda abigambo bye. Haza eki kibaasize kubagyemesereza okuguma bakakozesa emiguutuuro omu kugamba n'okuhandiika.

1.2. Oburemeezi oburikucundoozibwaho.

Abantu ab'omurembe ogu tibaakikozesa emiguutuuro munonga nk'abaakare haza eki kitumire ebigambo by'obunyakare byaija birahwerekyerera mpora-mpora. Obwahati abantu baingi namunonga abo abazaariirwe omu murembe oguriho obwahati n'obu baraabe barakoresa emiguutuuro kwonka tibaramanya ekigambo omuguutuuro niki, amakuru gaayo n'oku bashemereire kugikozesa haza eki kirareetwa okushanga abantu batarakira kukozesa ebigambo by'obunyakare ekiraabireetera byaguma birahwaho mpora. Omu Banyankore-Bakiga, abantu abaingi namunonga eminyeeto tibaramanya entaanisa eri ahagati y'emiguutuuro hamwe n'ebindi bihimbo by'akarande nk' enfumu, ebirema-igamba n'ebindi bingi ahabw'okushanga baayemariire omu ndimi enduga mahanga nk'Orushwahili, Orungyereza hamwe n'ezindi. Abanyankore Bakiga ab'ebiro ebi tibakifa aha kuhangahangaho ebikwato by'okwejunisa omu kwega orurimi na bikye ebiriho waaza kureeba bikoziirwe abantu ab'emyaka yaahama ekiramanyisa ngu baaba batakirihorurimi rurahwerekyerera. Haza eki kibaasize kungyemesereza okukora aha mutwe ogu.

1.3. Ebigyendererwa by'okucondooza.

1.3.1. Ekigyendererwa ekikuru.

1. Okwenda ngu abantu beetegyereze gye amakuru g'Emiguutuuro n'enkozesyaayo omu Runyankore-Rukiga.

1.3.2. Ebigyendererwa ebikye.

1.Okumanya enshonga ahabwenki abaakare baabaire baakunda kukozeza emiguutuuro omu kugaaniira kwabo.

2.Okwenda kumanya enshonga ahabwenki abantu abaabuti batakikozeza emiguutuuro munonga waabagyeregyeranisa n'abaakare.

3.Ekyakubaasa kukorwa okugira ngu abantu ob'omurembe ogu baakunde kukozeza emiguutuuro nk'abaakare.

1.4. Ebibuuzo ebimpwereire omu kucondooza.

1 .Heereza enshonga ahabwenki abantu baakare baabaire baakunda kukozeza emiguutuuro omu kugaaniira kwabo?

2.Orateekateeka niki ekireeteire abantu ab'omurembe orwahati batakikozeza emiguutuuro nk'abaakare?

3.Ni bintu ki ebi twakubaasa kukora okugira ngu okukozeza emiguutuuro kwayongyereho omu bantu abaabuti?

1.5. Enteekateeka y'omucondoozi.

Ndateekateeka ngu n'obu abantu baahati baraabe barakoresa emiguutuuro omu ngamba yaabo kwonka tibaramanya okugikozeza gye nangwa n'amakuru gaayo tibaragamanya gye.

Ndateekateeka ngu ekyabaire kiratuma Abanyankore-Bakiga abaakare barakunda kukozeza emiguutuuro munonga omu kugamba kwabo n'okwenda kunuza ekigaaniiro hamwe n'okushanga abantu barakira kukunda ebigambo nk'ebyo.

1.6. Oku abandi barateekateeka.

Abantu abaingi barateekateeka ngu ekireetaire abantu ab'omurembe ogu tarakozeza emiguutuuro nk'abaakare ni habw'okushanga abantu baayemariire omu ndimi enduga mahanga nk'Orushwahili, Orungyereza hamwe n'ezindi haza bakaremwa kuta omutima aha rurimi rw'enzaarwa namunonga eminyeeto.

1.7. Obukomo bw'okucondooza.

1.7.1. Obukomo bw'omwanya ugucondooziibwemu.

Okucondooza oku kukoreirwa omu disituriki ya Rukiga omu igombororo rya Rwamucucu.

1.7.2. Obukomo bw'obwire obu ugucondooza kumazire.

Okucondooza oku kumazire emyezi etaano obwo ndareeba ah'amakuru g'emiguutuuro n'enkozesa yaayo omu Runyankore-Rukiga omuri Rukiga disituriki omu Igombororo rya R wamucucu.

1.7.3. Obukomo bw'ebicondooziibwe.

Omu kucondoozi kwangye ndonzire emiguutuuro erahika omuri igana, obwo ndaheereza amakuru gaayo kandi ndooreka n'oku eshemereire kukoreesibwa.

1.8. Omugasho gw'okucundooza.

Ebicondooziibwe birijya kuyamba abacundoozi abandi ab'omu biro by'omumaisho.

Ebirugire omu kucondooza biraza kuyamba abantu okwongyera kwetegyereza amakuru g'emiguutuuro n'enkozesa yaayo omu Runyankore-Rukiga.

Birijya kuyamba abantu okushoborokyerwa gye entanisa eri ahagati y'emiguutuuro n'ebindi bihimbo by'akarande eby'Abanyakitara.

Okwongyera aha bihandiiko ebiriho ebiine akakwate n'ebirikuza kucondooziibwaho kandi eki kiraza kuyamba abeegi hamwe n'abeegyesa aha ndengo zoona z'eby'obwegyese.

1.9. Okushoborora amakuru ga bimwe aha bigambo bigumire ebikoresiibwe.

Ebihimbo. N'ebigambo ebyabaire bigunjirwe baatatenkuriitwe bigyendereire kushemeza, kwegyesa, kuhabura nari kurabura.

Okugunja. Okuhangahangaho.

Omushororongo. Oku ebigambo birakuratana omu kibazo.

Entabo. N'ekiina eki barahanikamu eminekye ei barihamu omubisi.

Okurundaana. Okukuganya amakuru agakuhairwe okagata hamwe.

EKICWEKA KY A KABIRI.

OKUSHWIJUMA EBIHANDIIKO BY'ABANDI BAHANDIIKI.

2.0. Enturukiro.

Omu kicweka eki harimu ebihandiiko ebihandiikirwe abahangu batari bamwe na bamwe ebiine akakwate n' ebicondooziibwe.

2.1. Okushwijuma ebihandiiko.

Kurugiirira ahari Babrow ham we na Bell (1978) baragamba aha miguutuuro nk' ebigambo bibiikirwe omu mutwe g'omuntu ebi oraronda amakuru gaabyo abandize waateekateeka munonga.

Kurugiirira ahari John R. Taylor "Emiguutuuro n'ebigambo ebitareetegyerezibwa buri omwe juba juba. Tikyaburi omwe ngu arabaasa kwetegyereza eki waagamba orejunisa *omuguutuuro*".

Kurugiirira ahari Caccari na Taboss (1988) baragira ngu "Emiguutuuro terataana munonga n'ebigambo ebireejuunisibwa buriiho omu kugaaniira nari okutebya. Abantu abareejuunisa emiguutuuro obwire obwingi omu kugaaniira baakigambirwa barakira kwetegyereza emwe ahari egyo ei barakozesa ".

Sasha Blanelay, Ann Casans, (2021) baragira ngu "Emiguutuuro kiramanyisa ebigambo nainga engamba y'orurimi orurakozeesibwa omu kushoma nainga kuhandiika ebya buriiho nainga shi omu kutebya n'okugaaniira okwa buriiho". Akongyera yaagira ngu n'ebigambo ebi otiine kutwara amakuru gaabyo oku gari kwihayo amakuru gaabyo okwihaho kiraba kiramanyisa ekindi ekintu. Kandi emiguutuuro ereejuuniisibwa omu ndimi zoona.

Kurugiirira ahari James R, Tumusiime ,2007 arashoboorora aha miguutuuro nk'ebigambo ebiri omu muringo ogw'okushereka amakuru ngu kigambirwa ageerondere. Akongyera yaaagira ngu emiguutuuro yo eboneza engamba ahabw'okukoresa ebigambo omu muringo agw'okushereka amakuru ngu kigambirwa ageerondere. Akongyera yaagira ngu engamba egyo erareetera abantu baingi kuguma bataire omutima aha biri kubagambirwa nari ebi barashoma. Ngu kandi ekiraruga omu ngamba egi baakigambirwa baraguma bariijuka ebi baahurira kukira ebyo eby'engamba ya

butoosha etarashereka amakuru. Ashubire yaashoboorora emwe aha muringo y'emiguutuuro oku yaayorekwa ahaifo.

Emiguutuuro ey'ebikorwa.

Egi erakira kukoreesibwa omu ngamba kandi emirundi mingi, erakwatanisa ebigambo nka bibiri nari bishatu kushoboorora ebintu bingi. Emiguutuuro ey'ebikorwa obundi eruga omu bigano nainga ebitebyo by'abaakare nka "okwata aga ha rukiri" "okucundika kamena". Hariho n'endiijo erenda kushushanisa ebikorwa ebya butoosha n'engamba nka "okwota omuntu buriro".

Emiguutuuro ey'ebikubyo.

Egi nayo Abanyankore na Bakiga baragikoresa munonga obwo baraha ebikubyo nari amaziina ebintu, entwaza nari emicwe. Emiguutuuro ey'omuringo ogu eracwa bugufu ebigambo bingi abyakubaire birakoresibwa kushoboorora n'okuhamisiriza ekishushane eki orikugamba arenda kworeka ba kigambirwa. Ekyokureebaho "Ntabo yaago ". Omusinzi munonga (ahabwokuba amaarwa garuga omu ntabo).

Emiguutuuro ey' ebibuuzo.

Egi erakoreesibwa ahabw'okwenda ngu kigambirwa atungye amakuru, obwo araateeraho kushushanisa ago agari omu kibuuzo."Tokaherize bw'omungaro, waashaba obw'omundiiro?".

Tokaherize eky'orikukora, kandi oriyo orenda kutandika ekindi.

Emiguutuuro ey'okushushanisa ebintu.

Abagambi abaingi barashushanisa ahabw'okwenda kworeka gye eki barikuteekateekaho. Emirundi mingi, bagira ngu ekintu nanka kishushana n'ekindi kintu."Omukazi ni muhango nk'enjojo!". "Omwishiki ti murungi ni nyamunyonyi. Obundi bashushanisa entwaza nainga enkora."Nairuka nk'omuyanga".

Emiguutuuro ey'obugambo bugufu.

Abanyankore n'Abakiga (n'abagambi b'endimi ezindi) obundi bakunda kukoresa obugambo bugufu omu mwanya gw'ebigambo bingi kandi biraingwa. Amaraka g'obugambo obu obundi genda kushushana n'ebikorwa ebiburikumanyisa. Obugambo obu nka pimi, cuu, po, tori, gutu

n'obundi bwingi. Obugambo obu buraboneza ekigaaniro kandi bworeka ngu kigamba aramanya gye orurimi. Ekyokureeberaho "cuu erugwamu pwi, amakuru ngu okuhunama nainga okutashobooroka kw'ebintu kaingi harugamu ekibi nari ekihemu.

Kurugiirira ahari Mubangizi ,1977:65-67, Emiguutuuro nibyo ebigambo engyenda kumwe omu rurimi nanka, ebi amakuru gaabyo ag'aha iguru goorekyeza nari garegyenza ag'enyima. Haza amakuru g'ekirenzyo ag'omunda nigo gaagyendereirwe omugambi nan omuhandiiki owaabandize kugashohoza, naakozesa ekirenzyo ekyo.

2.2. Enshonga ahabwenki abaakare baabaire barakunda kukozesa emiguutuuro omu kugaaniira kwabo.

Kurugiirira ahari Enago Academy (2019) aragira ati "Okwejunisa emiguutuuro omu ngamba yaawe kirooreka ngu oramanya gye orurimi rwawe kandi kirareetera n'ekihandiiko kyawe kyasikiiriza abashomi baakyo". Akongyera yaagira ngu okwejunisa emiguutuuro kirayamba abashomi okuguma bariijuka ebi bashomire ahabw'okushanga omushomi araguma arateekateeka aha rurimi orwejunisibwe.

Kurugiirira ahari Slungman David Burke we aragira ngu Okwejunisa emiguutuuro n'omuringo gumwe ogu rareetera orurimi rw'enzaarwa rwatunguuka. Emiguutuuro bakaba baragikozesa ahabwokwenda kukozesa ebigambo bikye orikushoboorora ebintu bingi. Akongyera yaagira ngu Okwejunisa emiguutuuro kiratuma ekigaaniro kyawe kyabonera, kyashemeza kandi kyataana n'ebihandiiko ebindi ebihandiikirwe omu rurimi orwa burijjo hamwe n'okwenda ngu abashomi batunguure enteekateeka yaabo obwo baragyezaho kuteekateeka aha makuru g'ebigambo ebikoreesibwe.

Kurugiirira ahari Festo Karwemera omu kitabo shutama nkuteekyerereze we aragaira ati "Omuntu oragamba aranjwanzia emiguutuuro omu kigaaniro kye, abantu barakira kukunda ebigambo bye". Akongyera yaagira ngu abantu abarakira kukozesa emiguutuuro omu kugaaniira kwabo, kirooreka ngu baramanya gye orurimi.

Kurugiirira ahari James R, Tumusiime aragira ati" Abaakare bakaba barakozesa emiguutuuro okwenda kucwa bugufu ebigambo bingi ebyobaire birakoreesibwa". Akongyera yaagira ati " Abantu abaingi bakaba barakunda kukoresa obugambo bugufu omu mwanya gw'ebigambo bingi

kandi biraingwa. Ekyokureeberaho pimi, cuu, tori. Akashuba yaagira ngu obugambo obu buraboneza ekigaaniro kyawe kandi bworeke ngu kigamba aramanyanya gye orurimi.

2.3. Enshonga ahabwenki abantu abaabuti batakikozesa emiguutuuro munonga waabagyeragyeranisa n' abaakare.

Kurugirira ahari Snooks na co. s style manual, Okwejunisa emiguutuuro mingi omu kuhandiika n'okugaaniira kirareetaho obuteetegyereza ah'abantu batari bamwe na bamwe namunonga ahari abo abarakozesa emiguutuuro ei bataretegryereza gye, haza eki kirareetera abashomi bataayetegyereza gye ebi baashoma. Akongyera yaagira ngu nahabwekyo abantu bashemereire lrukoresa emiguutuuro ei baramanyanya gye amakuru gaayo.

EKICWEKA KYA KASHATU

ENTWAZA Y'OKUCONDooZA.

3.0. Enturukiriro.

Ekicweka eki harimu omwanya ahi okucondooza kukoreirwe, ebintu ebikoreesiibwe omu kurundaana ebicondooziibwe, okushwijuma n'okutereeza ebirugire omu kucondooza, entwaza nungi ekwatiraine n'okucondooza hamwe n'oburemeezi obu omucondoozi abugaine.

3.1. Omwanya ahi okucondooza kukoreirwe.

Okucondooza oku kukoreirwe omu disitirikiti ya Rukiga omu igombororo rya Rwamucuucu.

3.2. Abantu abu naacondoorizeho.

Abantu abaingi abu naacoondorizemu bakaba bararuga omu kyarokya Noozi hamwe na Kasooni ebirashangwa omu igombororo rya Rwamucuucu onu disitirikiti ya Rukiga. Omu kyarokya Noozi karondamu abantu 40 reero omuri Kasooni naaronda 30. Nkabuza abeegyesa 4 b'Orunyankore-Rukiga omu mashomero 2 g'omuri Rukiga disitirikiti omu igombororo rya Rwamucuucu.

3.3. Oku naabaatooraine.

Omu kucondooza kwangye nkaronda abagurusi 15 hamwe n'abakaikuru 20 bari ahagati y'emyaka 70 kuhika ahari 85 ahabwokuba abantu aba nibo baramanya gye ebintu ebikwatiraine n'ebihimbo nk'enfumu, emiguutuuro n'ebindi ahabw'okushanga baabaire barabikozesa munonga hamwe n'abandi bantu 5 abari ahagati y'emyaka 50 kuhisya ahari 60.

Nkaronda na baaceyamaani b'ebyanga bitari bimwe na bimwe omuri Noozi na Kasooni okugira ngu bampwere okumanya ahi ndabaasa kushanga abagurusi n'abakaikuru.

Naashuba naaza omu mashomero 2 ag'omuri Rukiga disitirikiti omu igombororo rya

Rwamucuucu aga sekondare naabuza abeegyesa b'orurimi rwenzaarwa 2 ahabwokuba omu kwegyesa orurimi haine ebihandiiko ebi baraba bashomire biine akakwate n'ebirikucondoozibwaho.

3.4. Ebintu ebi naakoreesize omu kurundaana ebicondooziibwe.

Ebi n'ebintu ebi naakoreesize omu kurundaana amakuru nk'okwebuuzza aha bandi bantu, okwereebera n'amaisho, okuheereza abantu ebibuuzo hamwe n'okushoma ebihandiiko kurondamu ebirikucondooziibwaho.

3.4.1. Okwebuuzza aha bandi bantu.

Nkagiraho okugaaniira kw'omutaano n'abarikubuuzibwa haza eki kikaanyamba okutunga amakuru agahikire n'okwongyera kwetegyereza, obwo ndagyezaho kubuuzza abantu abu naashangire omu byaro ebi naakoreiremu okucondooza kwangye.

3.4.2. Abarikucondoozibwa kuheebwa ebibuuzo.

Carl et (2003), Aragira ngu omuringo ugu n'okushanga ebibuuzo bitari bimwe na bimwe byakorwa na bwanyima biheebwe abantu batari bamwe na bamwe okubigarukamu haza eki kibaasa kuunyamba okutunga amakuru mingi.

3.4.3. Okwereebera n' amaisho ebirikucondoozibwa.

Nkagyezaho okwejumbira omu kucondooza obwo ndagyezaho kwereebera n'amaisho gangye kandi eki kikaanyamba okumanyikana n'abantu abaabaire bari omu kyaro eki naacondooriizemu hamwe n'okutunga amakuru geenyine agahikire ahabirikucondoozibwa.

3.4.4. Okushoma ebihandiiko kurondamu ebirikucondooziibwaho. t

Nkagyezaho munonga naaronda ebihandiiko by'abahangu batari bamwe na bamwe nk'ebitabo, magazini, obutambi, empapura z'amakuru n'ebindi bingi ebiine akakwate n'ebyo ebirikucondooziibwaho ekyanyambire okutunga amakuru maingi kandi gaahikire gye.

3.6. Entwaza nungi ekwatiraine n'okucondooza.

Takatandikire okucondooza kwangye nkabanza naashaba orusa kuruga omu bantu abu naabaire ndakorera omu okucondooza. Nkagyezaho munonga naabashoboorera ebigyendererwa by'okucondooza kwangye obwo gyendereire ngu beetegyereze kandi bamanye ekindikuza kukora. Eki kikabareetera okwejumbira omu kintu eki n'omutima gumwe batarabanganisa.

3.7. Okushwijuma n'okuteereza ebiraarugye omu kucondooza.

Ebyacondooziibwe bikahandiikwa, byacencurwa nabwanyima haihwamu ebihikire n'ebiine omugasho muhango.

3.8. Oburemeezi obu mbugaine omu kucondooza.

Abantu abamwe bakanshaba esente obwe barateekateeka ngu omurimo ogu ndiihamu esente.

Empindahinduka y'obwire nk'enjura kusiiba eragwa, omushana mwigu haza eki kikandeetera okuruha n'okutamwa ekyatumire tatunga gye amakuru hamwe n'okushohoza esente omu kugura eby'okwejunisa nk'eminvuuri, ejaketi hamwe na buutusi.

Okuburwa esente ziramara z'okweyambisa omu kutambura omu myanya etari ernwe n'emwe ahi okucondooza kwakoreirwe omu byaro bitari bimwe na bimwe hamwe n'omu mashomera.

Okushanga abantu abaakubaire baramanya ebintu ebikwatiraine n'ebihimbo by'obunyakare

batakiriho nk'abagurusi n'abakaikuru ekyokureeberaho omugyezi Festo Karwemera. Haza eki kikandeetera okuburwa amakuru marungi.

Abantu abamwe bakanga kungarukamu kandi abandi bampeereze amakuru gatahikire.

EKICWEKA KYA KANA

4.0 EBYARUGIRE OMU KUCONDooZA

4.1 Enturukiro

Ekicweka eki kirooreka ebirugire mu kucondooza. Kurugiirira aha bibuuzo ebyabuuziibwe abantu ba butoosha. Ebi baabuuziibwe bikagarukwamu kandi byashwijumwa kurungi oku byayorekwa omu kicweka eki.

Ekicweka eki kirabanza kworeka omubare gw'abaabuuziibwe ebibuuzo ekyampwereire omu kucencura ebyarugire omu kucondooza.

4.2. Omubare gw'abaabuuziibwe ebibuuzo

Okumanya omubare gw'abaagarukiremu nikyo kikuru ekiragyenderwaho omu kushwijuma n'okugyerageranisa ebyo ebirugire omu kucondooza. Oku abantu baingi baagarukemu ebibuuzo, nikwe ebirugire omu kucondooza biraahamibwe.

Abaagarukiremu ebibuuzo bakahika ebicweka 50 ahari I 00. Hakabuuziibwa abantu barahika 75,30 bari abashaija, 45 bari abakazi.

4.3. Emiguutuuro, amakuru n'enkozesa yaayo ebirugire omu kucondooza

Ebyacondooziibweho birooreka ngu emiguutuuro n'ey' emiringo etari em n'emwe nk'ey'ebikorwa, ebikubyo, ey'okushushanisa ebintu, ey'obugambo bugufu hamwe n'ey'ebibuuzo. Kurugiirira ahari Christopher Kazoora emyaka 79 kuruga Noozi omu igomborora rya Rwamucuucu akangambire emiguutuuro etari emwe n'emwe ey'ebikorwa na makuru gaayo n'oku yaabaire erakoreesibwa omu bantu oku yaayorekwa ahaifo. Akagira ngu emiguutuuro egi erakira kuba eri omu bigambo nka bibiri nari bishatu kandi bakaba baragikozesa obwo baragyezaho kushushanisa ebikorwa by'abantu ba butoosha n'engamba.

1 .Ekitaine mukira kweteera enshwehera. **Okwenda kukora eki otarabaasa.**

Beitu ogu ku yaayenda kweteera enshwehera ataine mukira.

2.Amaisho kuhwa omu mutwe. **Okuzooro amaisho otangaire.**

Rukiramahe asiibire arareeba omupiira amaisho gamuhwaire omu mutwe.

3.Akashekye kunyaarira engino. **Okunywa amaarwa.**

Ebiro ebi Barigye akashekye karanyaarira engino buri izooba.

4.Eky'omunda kwenda eky'omu nyungu. **Okugira enjara. Baana**

bangye eky'omunda ku kyayenda eky'omu nyungu.

5.Empata kulingira encugura. **Ekintu kibi kuzibira ekibi munonga kubaho.**

Empata ekakigira encugura obu kyokusiima baamushemeza okumwihamu omwana aferiire omunda ngu etamugyenda.

6.Enkuba kuteera eibaare. **Ebiringanisa amaani kubugabugana nari kurwana.**

Enkuba ekateera eibaare obu baasi zaashenguranira ahari Kabaraga.

7.Obwira okubutiiza empungu.

Nyomwebazo Orikiiriza obwira abutiirize empungu obu abaabaire ari kutaha amaizi.

8.Okuba amaisho g'ente. **Okuburira abakwinemu amasiko omugasho.**

Ogu muhara akatufeera busha nk'amaisho g'ente.

9.Okubura eifo n'eruguru. **Okuburwa abaanyu.**

Omukozi wa Bashukana taine eifo na ruguru.

10.Okubura eky'omubazi. **Okubura ekintu kyona.**

Hoonashi enjara ku yaanyita kandi kutiinemu ak'okurya n'obu kaakuba ak'omubazi.

11.Okugashaba enio. **Okuhunga okairuka ahonaaho.**

Nyomwebazo omushuma agashaba enio obu baamukwasire arikwiba embuzi.

12.Okugira ak'obuntu. **Okworeka omutima gw'embabazi.**

Abantu mushemereire kuguma kugira ak'obuntu ahari bagyenzi baanyu.

13.Okugamba busha. **Okugamba ebitaine nsha.**

Okwe kugamba busha kwawe kurijja kukureetera ebizibu.

14.Okugamba akabisi n'akoomire. **Okugamba ebitakwatiraine.**

Ahabw'okugamba akabisi n'akoomire baamuteera baamukora kubi.

15.Okuhwa akahinda. **Okutunga eki orenda okamarwa.**

Eriizooba naarya enyama naahwa akahinda.

16.Okuhwa ebiteero. **Ekintu kukura kikashusha kubi.**

Ekiteeteeyi kyangye kihwair ebiteero.

17.Okujwa akashana n'akabehe. **Okuburabuza okaguma orahindahinduka ekitaraririire**

Otamungabaira oriiya nawe arajwa akashana n'akabehe.

18.Okujweka omuntu amatu g'embuzi. **Okukomera ekintu aha muntu ekiramurugiremu akabi.**

Bashaamwe ugu tiyaaajweka amatu g'embuzi omuri ezi shaaha ngu mbe ndabonabona.

19.Okuhingwaho oburo n'omugusha. **Okugira ebihikirizi bingi munonga.**

Ahaa!!, ebiro ebi niinye ndahingwaho oburo n'omugusha.

20.Okuhoora enzingu. **Okukora kubi owaakukozire kubi, ekaba nk'enzimurirano.**

Ekintu eki Komungaro yankorera okuunyitira omwana ndateekwa kumuhoorera enzingu aha bw'omwana wangye.

Kandi iwe Kyokwijuka Bernard emyaka 70 kuruga Noozi omu igomborora rya Rwamucuucu kumubuuriza aha miguutuuro yaagambire ngu hariho emiguutuuro ey'amashushane. Akangira

ngu egi bakaba baragikozesa obwe baragyezaho kushushanisa ebintu bitari bimwe na bimwe ahabwe enshusha yaabyo. Egi n'emwe aha miguutuuro ei yaagambire.

1. Akabiri k'omwereere.

Muhara wa munyaanyazi aine akabiri ni nk'ak'omwereere.

2. Amaguru g'emitumba.

Omwishiki aine amaguru ni nk'ag'emitumba.

3. Amaino g'orubaare.

Ogu mwojo kuni murungi aine amaino ni nk'orubaare.

4. Amaisho g'enyonyoozi.

Amaisho ge ni marungi buzima waagareeba ni nk'enyonyoozi.

5. Amatama g'enjebajebe.

Nago matama garakushusha nk'ag'enjebajebe.

6. Amatu g'orubaka.

Nago matu garakushusha nk'ag'orubaka.

7. Ebisya by'orubango

Omuntu aine bisya manya ni nk'orubango.

8. Ekibunu ky'ekishaabo.

Reeba omukazi kubonera aine ekibunu ni nk'ekishaabo.

9. Eibeere ry'entanga.

Omuhara ugu aine eibeere riramushusha nk'ery'entanga.

10. Ebyara by'enyamurimi.

Reeba ebyara bye ni nk'enyamurimi.

11. Ekishuba kirosoya enju.

Omukazi weeye arakira kugamba ebishuba birosoya enju buri omwe aramweganya. 12.

Enda y'orutami.

Aine enda ni nk'orutami.

13. Enjara rwaranda.

Omu mwaka gwa 1992 hakabaho enjara rwaranda yaita abantu. 14.

Kakye nkakaasiisibirizi.

Munywani wangye azaire akaana kakye hi nk'akaasiisibirizi.

15. Muraingwa, arahanura ebicu.

Mutabani wa John ni muraingwa manya arahanura ebicu.

16. Katesigwa nk'enogo y'ekitakuri.

Ogu nawe ni katesigwa nk'enogo y'ekitakuri.

17. Okugwa nk'enjura.

Eriizooba twaba turi aho twabona shwento aratugwaho nk'enjura.

18. Okufa Kabiri nk'amakara.

Apollo akaruga omu kwegyesa yaaza omu bushuubuzi yaafeera habiri nk'amakara. 19.

Okufa busha nk'amaisho g'ente.

Mutabani wa Zikandonda amufeeire busha nk'amaisho g'ente

10. Obwoba bw'empisi.

Beitu ugu ku aine obwoba nk'obw'empisi.

21. Okwiruka nk'omurabyo.

Omwana ugu arairuka ni nk'omurabyo.

22. Obumanzi bw'ekicuncu.

Tata aine obumanzi nk'obw'ekicuncu.

Emiguutuuro ey'ebibuuzo.

Kurugirira ahari Provia Rwabyoma emyaka 82 kuruga Kasooni omu igomborora rya Rwamucuucu na Nyinamujuni Grace emyaka 85 bakagira ngu hariho n'emiguutuuro ey'ebibuuzo. Bakongyera baagira ngu emiguutuuro egi bakaba baragikozesa kwenda ngu ohu barikugambira atugye amakuru agahikire obwo aragyezaho kuronda agarashushana n'ago omu kibuuzo.

1. Ku naakutanga kufa okantanga kunuuka?
2. Ku oshereka enyama omuriro, ogyotsya he?
3. Ababingire nyokoromi tibakajire, oti "Maarumi agira amaguru?". t
4. Ku baakweta Nyabinwa, okabireereesa?
5. Ku baakweta Bwiruka okahingura owaanyu?
6. Ngu enju yaasya, oti "Nimunyarire mbyame?".
7. Ngu babugoyire ku bukwima oti "kuri buhiire nka buzira?".
8. Ngu bakuzimurire, oti "Ndenda omuto?".
9. Ngu baakubinga omu nju, oti "Ndaraara omu karugu?".
10. Naakukorera omu nshaho, oti "Wampa ki?".
11. Naakusima ekyara, oti "Wanshuna?".

12. Bariyo baraziika, oti " Okwe muraire muta?".
13. Obu entaama yangye ebuzire, nibwo empitsi enaire ebyoya?
14. Toka herize bw'omungaro, oti "Ndenda obw'omundiiro?".
15. Wabaaga rimwe, waayeta omwana Binyama?
16. Oreesiimira entabire otakareebire omumero?
17. Ngu omuhanda gwabura, oti "Empumi k'ey'ebembere?".
18. Ngu barazimuura, oti "Mundamukize maazaara?".
19. Ngu omwana yaafa oti "Mmumpe ntooreho?".
20. Ngu ebiriibwa bicwekire, oti "Mureete ebyokwosya?".

Kurugirira ahari Joy Tumuhirwe emyaka 52 omwegyesa y'orurimi rw'enzaarwa aha ishomero erya Kihanga na Owembabazi Stella omwegyesa ahari St Joseph's mparo ku naababuurize bangambira ngu hariho n'okuguutuza obugambo bugufu. Bakongyera baagira ngu abantu abaakare bakaba barakunda kukozesa obugambo bugufu omu mwanya gukukozesa ebigambo biraingwa.

1. Abo-bo-bo. **Okutangaara.**

Abo-bo-bo!!!!, Muhara wa masiko ku ni muhango.

2. Ai. **Okushaasha.**

Ai!!!!, Naashaasha omugongo.

3. Aibambe. **Okutangaara otiinire**

Aibambe! omwana wangye yaafa.

4. AINUUNU. **Okworeka okushemererwa ekintu.**

Ainuunu! !!, Ku Oshweire omukazi murungi.

5. Aishi. **Okutanwa.**

Aishi nyowe tikyenda n 'okuzayo.

6. Baku. **Okubakura nari okukwata ahonaaho.**

Y aamugwera ahungire ati "Baku".

7. Bandu-bandu. **Okubandaituka, Okwimuka ahonaaho.**

Ku naamureeba naabandaituka naamugwa omu kifuba.

8. Bombori -bornbori. **Ebyoma nari ebintu ku bomborekana. Ku**

yaahika omu kishengye naahurira ngu bombori-bombori.

9. Bugu-bugu. **Omuriro kubuguma gukanaga enkobe.**

Naaranza nseeri naareeba omurimo nguri bugu-bugu.

10. Burnba-burnba. **Okubugabugana.**

Eriizooba nyowe na Musiimenta twa bumba-bumbanira omu muhanda ndikuza omu katere.

11. Ce. **Akaceceko.**

Nkamubuuza yaagira ati "Ce".

12. Gutu. **Okuteera**

Kaanyije kuguture.

13. Goto-Goto. **Okugotomera.**

Nkamuha amaizi ati goto-goto.

14. Kwe. **Okusheka.**

Ku twamureeba yaareetwana twena twangira ntuti "kweeee! ! !".

15. Jugu-jugu. **Okurekyera.**

Abariisa baaba bariisize eruguru yangye ku naaba ndi aho naahurira ngu jugu-jugu okuza kureeba naareeba amabaare garahushiikana.

16. Ndi-ndi-ndi. **Omwirima mwingi munonga.**

Aheeru hariha amwirima ndi-ndi-ndi.

17. Pii. **Okugwa nari Okuteera ahansi.**

J,fbaire ndi aha naahurira ati "pii " okuza kureeba naashanga omwana yaqyeteera ahansi.

18. Otyoo. **Okuruhuuka.**

Otyaa! !!, hoona niinye naahika aha.

19. Meme-meme. **Okweshengyereza nari okukwata mpora.**

Omushaija we aramukwata Meme-meme.

20. Raga-raga. **Okuragarika nk'amatondo g'etuutu nari enjura. Okutoonyerera.**

Omu kasheeshe naahurira aha eibaati ngu Raga-Raga obwo gari amatondo g'enjura.

Kurugiirira ahari James R Tumusiime omu kitabo "Entanda y'omugambi y'Orunyankore-Rukiga agambire aha miguutuuro ey'ebikubyo. Akagira ngu emiguutuuro egi nayo Abanyankore na Bakiga bakaba barakira kugikozesa munonga obwo baraha ebikubyo nari amaziina ebintu, entwaza nari emicwe. Emiguutuuro ey'omuringo ogu eracwa bugufu ebigambo bingi abyakubaire birakoresibwa kushoboorora n'okuhamisiriza ekishushane eki orikugamba arenda kworeka ba kigambirwa. Ekyokureebaho "Ntabo yaago ". Omusinzi munonga (ahabwokuba amaarwa garuga omu ntabo). Egi n'emwe aha miguutuuro y'ebikubyo ei ahandiikire.

1. Abarungi baaruganaho. **Kikyererezi**

Nyomwebazo mpikire omuka abarungi baaruganaho.

2. Akaita-batabaazi. **Akashana kaingi k'eriho n'enjara.**

Nyamwebazo tusiibire tuhingire kwanka akaita-batabaazi kabaire kari haihi kutwita.

3. Akaraba-mu-ishengyero. **Akaceceko ka boona omu ruteerano.**

Eriizooba haabaho akaraba-mu-ishengyero obu twaturi aha mbaga y'okuhingira Kenyonyoozi bakatugambira ngu ishento yaafa.

4. Ak:arenda kusya katukure. **Ekirenda kubaho kibeho.**

Ndateekwa kumuteera akaraasye katukure.

5. Akashana kaatagata. **Eshaaha nkaina z'akasheeshe.**

Eriizooba naimuka akashana kaataagata.

6. Akasibura mugyere. **Engamba etarooreka kitiinisa, obwoba nari enshoni.**

Nyowe ogu mukazi akanshobera aine akasimbura mugyere buri omwe araamwebuuzaho. 8.

Amagara-ngingo. **Eky'aha muheru, nk'etuutu y'ori haihi kukaba.**

Shwenkazi ebiro ebi ari omu biro by'amagara-ngingo ahabwa bukuru.

9. Amarema-nte. **Ebisigarira nk'amaizi agaremera ente omu bwato.**

Ogo marema-nte gatware ogaanyatire kuri.

10. Amate n'obwoki. **Ebintu ebirakirayokunura** ' ,

Ebyokurya ebi naarya eriizooba bya binuzire nk'amate n 'obwoki.

11. Eihembe ry'embwa. **Ekitaraboneka.**

Omushomesa waitu araburiira nka eihembe ry'embwa.

12. Ekibuza-buryo. **Omuntu otaine bwengye.**

Omushaija wangye akabuza oburyo yaatama.

13. Embura-mukoro. **Omuntu otaine ekyarikukora eky'omugasho.**

Ogu nawe akaba embura-mukoro, tihaine eki yaarakozire ngu kireebeeke.

14. Endiira kukinduka. **Omuntu oine omururu.**

Ogu nawe n'endiira kukinduka.

15. Kibwa-nkurata. **Ekishaka eky'abakazi barafuutira ba lbabo ngu babakunde.**

lba wa Kyarituha ku aramworobera shana akamuha kibwa-nkurata. •

16. Ntabo-yaago. **Omusinzi munonga.**

Ishe wa Kamusime nawe ni ntabo-yaago.

17. Obuhonda-mabaare. **Okukora ekigumire.**

Ogu murimo ogu wampa ku n'obuhonda-mabaare.

18. Omurera-ngaro. **Omweremwa.**

Muka Barungahare n'omurera-ngaro.

19. Kyara mugongo. **Omukazi oshweirwe.**

Kyara mugongo wangye aramumanya beitu? Ingaaha! niwe ogu. t

20. Encura-zaara. **Omukazi obuzire oruzaaro.**

Oriya mukazi akaba encura-zaara.

EKICWEKA KYA KATAANO

5.0. OKUHENDERA N'OKUHABURA.

5.1. Okuhendera.

Kurugirira aha kucondoozi oku nkozire nshangire ngu abantu abaingi namunonga ab'omurembe ogu tibaakikuzesa miguutuuro munonga waabagyeragyeranisa n'abaakare na bakye abaragikozesa tibaragimanya gye haza eki kireetirwe okushanga abantu batarakunda orurimi rwabo hamwe n'okwemarira omu ndimi enduga mahanga. Abantu abarakira kukozeza emiguutuuro omu kugaaniira kwabo nari omu kutebya barakira kukunda okugaaniira kwabo kukiza abo abarakozesa orurimi orwa buriijo. Abantu barakozesa emiguutuuro baratwagwamu nk'abantu abaramanya gye orurimi rw'enzaarwa.

5.1. Okuhabura.

Abantu mwena namunonga ab'omurembe ogu ndabahiga kandi ndabashaba okwemanyiza okukoresa emiguutuuro omu kugaaniira kwanyu n'omu kuhandiika ebihandiiko ekirabareetera okumanya gye orurimi rw'enzaarwa hamwe n'okurutunguura.

EBIHANDIIKO EBYEJUNISIIBWE.

Babrow and Bell (1978). Russian-English Dictionary of Idioms. Random House.

Baldwin, T. and A. Villavicencio (2002). A case study on verb-particles. In Proceedings of the Sixth Conference on Computational Natural Language Learning (CoNLL 2002), pp. 98-104.

Cacciari, C. and P. Tabossi (1993). Idioms: Processing, Structure and Interpretation.

Entanda y'omugambi y'Orunyankore-Rukiga eya James R. Tumusiime 2007.

Gill philip 2007 "Idioms" To appear in K. malmkjaer (ed) the linguistics Encyclopedia, 3rd edition. Landon: Routledge

John R. Taylor <https://doi.org/10.1093/acprof:oso/9780199290802>, page 69-99: may 2012.

McShane, M., S. Beale, and S. Nirenburg (2004). Some meaning procedures of Ontological Semantics. In Proceedings of LREC-2004.

McShane, M., S. Nirenburg, and S. Beale (2005). An NLP lexicon as a largely language independent resource. Machine Translation 19(2), 139-173.

McShane, M., S. Nirenburg, and S. Beale (2008). Achieving adequacy of description Swinney

and Cotter (2005). A Theory of Ellipsis. Oxford University Press.

Shutama nkuteekyerereze eya Festo Karwemera.

ABANTU ABABUZIIBWE.

Grace Nyinamujuni, emyaka 85 kuruga Noozi omu igomborora rya Rwamucuucu

Joy Tumuhirwe, emyaka 55 omwegyesa y'orurimi rw'enzaarwa aha ishomero erya Kihanga.

Owembabazi Stella, emyaka 52 omwegyesa y'orurimi rw'enzaarwa aha ishomero erya St Joseph's
mparo.

Kazooru Christopher, emyaka 79 kuruga Noozi omu igomborora rya Rwamucuucu.

Kyokwijuka Bernad emyaka 70 kuruga Noozi omu igomborora rya Rwamucuucu.

EBYONGYEIRWEHO

EBIBUZO EBYAHEEBWE ABARIKUCONDooZIBW AHO

Ndi Ayebazibwe Adellah, omwegi wa Kabale Yunivaasite orakora okucondooza aha mutwe ogu "Amakuru g'emiguutuuro n'enkozesa yaayo omu Runyankore-Rukiga". Ndakushaba kandi ndakweshegyereza okugarukamu ebibuuzo ebiraakubuuzibwe kandi nyine amasiko ngu ebi orangarukemu biraza kuunyegyesa kihango munonga kandi bimpwera omu kucondooza kwangye.

Ebyokugyenderaho. Kyebera ekihikire ohandiike ahi kirayetaagiisibwe.

1.Ori omuki?

2.0ine emyaka engahi?

3. Okamara ekya kangahi?

4.Heereza emiguutuuro ei oramamya n'amakuru gaayo?

!

f

5.Abantu abaakare emiguutuuro bakaba baragikozesa bata?

Y ebare munonga.